



Broj: 02-05-2125/19-AP-15
Datum: 31.12.2019. godine

Na osnovu člana 13. Poslovnika o radu Privrednog savjeta Općine Zavidovići broj: 02-05-1818-AP-12 od 30.06.2017. godine, na 8. sjednici Privrednog savjeta Općine Zavidovići, koja je održana 31.12.2019. godine u Velikoj sali zgrade Općine Zavidovići sa početkom u 10:20 sati, sastavljam

ZAPISNIK

Na sjednici Privrednog savjeta prisutni su: Općinski načelnik mr. sci. Hašim Mujanović, Džeraldina Miličević, Aldin Šušić, Sabahudin Horozović, Enesa Bukvić, Ilić Slađan, Admir Bajraktarević, Hasaković Mustafa i Denis Marušić.

Na sjednici privrednog savjeta nisu prisutni: Remzo Sinanović, Ramo Imamović, Mrahorović Kemal, Nakib Vuković, Amir Omerašević i Ibrahim Mujanović.

Prisutni stručni saradnici Privrednog savjeta Općine Zavidovići: Almir Mustafić, Amira Šibonjić i Izet Bašić.

Odsutni stručni saradnici Privrednog savjeta Općine Zavidovići: Amira Tadić i Ibro Hadžić.

Ostali prisutni: Remzo Šogolj.

Zapisnik će voditi Fatima Merdanović.

Konstatuje se da je na sjednici prisutno 9 članova Privrednog savjeta od ukupno 15 članova, od čega 2 člana iz ne javnog sektora.

Konstatuje se da je prisutan potreban broj članova Privrednog savjeta da bi se moglo punovažno raspravljati i odlučivati, kako je propisano članom 7. Poslovnika o radu Privrednog savjeta Općine Zavidovići, odnosno potrebno je prisustvo najmanje 8 članova.

Pomoćnik Općinskog načelnika Službe za upravu ekonomskih poslova i poduzetništva Džeraldina Miličević predlaže sljedeći dnevni red:

- 1) Informacija o stanju u oblasti turizma u općini Zavidovići (Izvjestilac Almir Mustafić),
- 2) Analiza stanja komunalne usluge odvoza otpada nakon usvajanja Odluke o izmjenama i dopunama Odluke o cjenovniku komunalnih usluga JKP „Radnik“ d.o.o. Zavidovići (Izvjestilac Izet Bašić),
- 3) Analiza visine naknada po odlukama i propisima Općine Zavidovići u 2020. godini (Izvjestilac Almir Mustafić za komunalne takse, Izet Bašić za komunalnu naknadu, naknadu za zauzimanje javnih površina i naknadu za postavljanje reklama; Remzo Šogolj za naknadu za vatrogastvo i Idriz Alihodžić za administrativne takse),
- 4) Razno.

Dnevni red se stavlja na diskusiju i pozivaju se članovi Privrednog savjeta da predlože izmjenu ili dopunu predloženog dnevnog reda.

Dnevni red se usvaja bez izmjena i dopuna i prelazi se na rad po istom.

1. Informacija o stanju u oblasti turizma u općini Zavidovići

Izjavitelj Almir Mustafić iznosi pojašnjenja i dodatne informacije po ovoj tački dnevnog reda. Nabraja najprimamljivije lokacije za bavljenje turizmom. Općina Zavidovići ulaže u turizam a posebno se ulaže u restauraciju nacionalnog spomenika džamija u „Rujnici“, te unapređenje izletišta Luke. Rađena je sanacija puta Kamenica – Mašica i asfaltiran je dio puta prema Mitrovićima.

Nakon izlaganja izvjestioca pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Općinski načelnik Hašim Mujanović, Almir Mustafić, Slađan Ilić, Džeraldina Miličević, Admir Bajraktarević, Remzo Šogolj i Izet Bašić.

- Općinski načelnik Hašim Mujanović: I prošli put je govoreno dosta o turizmu. Mi smo kroz transfer planirali za projekte Tajan i općenito za turizam. Imamo šansu da ove godine unaprijedimo turizam.
- Almir Mustafić: Rade se tri mosta na putu do Kamenice.
- Slađan Ilić: 50 000 KM planirano, za šta to ide?
- Džeraldina Miličević: To nisu velika sredstva. Finansiraju se veći projekti, za početak parking i igralište.
- Almir Mustafić: Dugogodišnja ideja je izgradnja kupališta u Lukama. Planira se jedan multifunkcionalni projekt.
- Slađan Ilić: Kada se ulazi u Kamenicu treba da to bude uređeno.
- Općinski načelnik Hašim Mujanović: U Kamenici – Mitrovići se planira izgradnja jednog hotela sa 4 zvjezdice. Tražim način da oformimo turističku zajednicu – međutim to sada nije moguće. Fali nam sistem, nema zakona za to.
- Admir Bajraktarević: Moramo napraviti sistem. Moja vizija je da u Kamenici na 12. kilometru se postavi automat za naplaćivanje parkinga, te da se napravi treća traka koja će biti parking, ali sve to neko mora održavati.
- Remzo Šogolj: Sve ovo treba planirati za narednih 20 godina. Nama trebaju Regulacioni planovi – skijaški tereni, igrališta, vikendice, bazeni. Osnova turizma na Općini Zavidovići je Kamenica, zatim Maoča, Kamene kugle i ostala turistička mjesta.
- Općinski načelnik Hašim Mujanović: Mi smo imali sastanak prije 20 dana – trebamo imati sastanak što češće, jer mi možemo isfiltrirati sve zamisli.
- Izet Bašić: Govorio sam o planskom dokumentu koji trebamo regulisat. Ne trebamo dozvoliti da ljudi rade kako hoće sa kuglama u Grabu i Podubravlju. Treba nam hrabrosti i da budemo puno brži u reagovanju. Moramo u narednim godinama to popraviti.
- Admir Bajraktarević: Mi trebamo odrediti šta nam treba, pa onda reagovati.
- Općinski načelnik Hašim Mujanović: Sada imamo više sredstava i možemo ozbiljnije ući u realizaciju planova.
- Slađan Ilić: Postavlja pitanje transfera za turizam?
- Džeraldina Miličević: 150 000 KM za transfer.
- Admir Bajraktarević: Grant treba povećati.
- Slađan Ilić: Ima jedan segment – da se na ulazu u Kamenicu napravi info pult, gdje će se nalaziti jedan čovjek koji će davati upute i objašnjavati ljudima sve vezano za Kamenicu.

Zaključak:

- Sredstva planirana u Budžetu za razvoj turizma usmjeriti u promociju i razvoj atraktivne lokacije: Kamenica, Maoča, Kamene kugle, lokacije sa stećcima,
- Osmisliti plan aktivnosti na turističke ponude uvezivanja i organizovanja,
- Uputiti inicijativu za izmjenu Zakona o turističkim zajednicama u smislu omogućavanja formiranja općinskih turističkih zajednica,
- Osmisliti i realizovati sistem upravljanja atraktivnim turističkim lokacijama,
- Ubrzati izradu prostorno-planske dokumentacije koja će omogućiti ulaganje i u razvoj turističke infrastrukture,
- Izvršiti konstantno lobiranje za rekonstrukciju i sanaciju regionalne ceste Zavidovići – Ponijeri – Kakanj .

Sve tačke zaključka usvojene jednoglasno.

2. Analiza stanja komunalne usluge odvoza otpada nakon usvajanja Odluke o izmjenama i dopunama Odluke o cjenovniku komunalnih usluga JKP „Radnik“ d.o.o. Zavidovići

Izvjestilac Izet Bašić iznosi pojašnjenja i dodatne informacije po ovim tačkama dnevnog reda. Usvojen je Cjenovnik komunalnih usluga – usvojena je niža cijena od naplaćene u prethodnom računu, a veća nego što je bilo u prethodnim. Sad je nova cijena 2,70 KM a razlog je Mošćanica.

Nakon izlaganja izvjestioca Pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Općinski načelnik Hašim Mujanović, Admir Bajraktarević.

- Admir Bajraktarević: Komunalno preduzeće se mora uozbiljiti. Smeće vozimo na Mošćanicu.
- Općinski načelnik Hašim Mujanović: Napravljena je izmjena Odluke JKP. Bit će imenovan punomoćnik koji će imati zadatak da vidi sve planove. Mi ne možemo gubiti vrijeme. Previše je bilo sve politički obojeno. Zapošljavanje je vršio menadžment a ne skupština. Trebamo se pozabaviti enormnim gubitkom vode. Trebamo napraviti dobar pregled stvari.

Zaključak:

Informacija o Analizi stanja komunalne usluge odvoza otpada nakon usvajanja Odluke o izmjenama i dopunama Odluke o cjenovniku komunalnih usluga JKP „Radnik“ d.o.o. Zavidovići je primljena k znanju.

3. Analiza visine naknada po odlukama i propisima Općine Zavidovići u 2020. godini

Izvjestioci su iznijeli pojašnjenja i dodatne informacije po ovoj tački dnevnog reda. Predstavljena je prezentacija o Analizi visine naknada po odlukama i propisima Općine Zavidovići u 2020. godini. Što se tiče obračuna množi se sa koeficijentom pogodnosti i veličine pravnog lica. Ukinuta je taksa za postavljanje štandova, te je ukinuta jednokratna taksa. Potrebna je urabnistička saglasnost.

Nakon izlaganja Pomoćnik Općinskog načelnika Službe za upravu ekonomskih poslova i poduzetništva Džeraldina Miličević otvara diskusiju po ovoj tački dnevnog reda.

U diskusiju su se uključili: Općinski načelnik Hašim Mujanović, Džeraldina Miličević, Almir Mustafić, Remzo Šogolj, Slađan Ilić, Admir Bajraktarević.

- Općinski načelnik Hašim Mujanović: Kada su u pitanju općinske naknade u protekloj periodu smo poduzimali značajne akcije na njihovom značajnom snižavanju. U toku 2020. godine neće doći do povećanja naknade za zauzimanje javnih površina i postavljanje reklama i reklamnih panoa, niti će doći do povećanja općinskih administrativnih taksi jer će se zadržati na nivou iz 2019. godine. Također neće doći do povećanja komunalnih taksi niti povećanja naknade za korištenje taksi stajališta. U cilju stvaranja uslova za izgradnju stambenih i poslovnih objekata i razvoj građevinske grane privrede, neće doći do povećanja naknade za uređenje zemljišta i rente jer se zadržava cijena 1m² stambenog prostora koja će u 2020. godini iznositi 584,00 KM/m² prostora i koja se ne mijenja proteklih tri godine.
- Almir Mustafić: Više se mislilo za postere.
- Admir Bajraktarević: Dođu, ostave nam smeće, postavljaju reklame i odu. Uzeta je za primjer i Općina Žepče (uporedni pokazatelj).
- Almir Mustafić: Ova Odluka je muku mučila pa došla sad do ove cijene. Predlaže se odvoz otpada po zonama.
- Džeraldina Miličević: Komunalne takse kretale su se zavisno od vrste djelatnosti. Sve ove promjene su dovele do smanjenja prihoda na Budžet.
- Remzo Šogolj: Gdje je diskriminacija – to su zone. Unutar II i III zone pojavljuje se V ili VI. Što se tiče naknada za vatrogastvo – nije velika naplata. Tržni centri su zatvorili sve objekte van urbanog naselja. Trgovine koje su bile u kućama su zatvorene ali se i dalje naplaćuju naknade.
- Općinski načelnik Hašim Mujanović: Nama treba malo hvale. Mi se trebamo malo više reklamirati.
- Slađan Ilić: Tešanj i Žepče imaju bolju reklamu od nas. To što nam treba nije nikakva politička priča. Treba biti uporan, da smo sve češće u medijima, da se objavi na televiziji.
- Džeraldina Miličević: Puno je življe. Ima više prijava ali ima i onih koji odustaju.
- Općinski načelnik Hašim Mujanović: Makroekonomski pokazatelj nismo mi prezentovali. Sve je naprednije u odnosu na 2016. – 2019. g.
- Admir Bajraktarević: Treba to pokriti marketinški.
- Almir Mustafić: Raste izvoz, rastu i plate. Najniži smo sa platama.

Zaključak:

Informacija o Analizi visine naknada po odlukama i propisima Općine Zavidovići u 2020. godini je primljena k znanju.

4. Razno

Po ovoj tački dnevnog reda nije bilo diskusije.

Sjednica Privrednog savjeta završena u 12:00 sati.

ZAPISNIK SAČINILA

Fatima Merdanović

ZAPISNIK OVJERAVA PREDSDJEDNIK
PRIVREDNOG SAVJETA

mr. sci. Hašim Mujanović